

治河全書

治河全書

卷之四

通州香河武清三州縣運河事宜

天津運河事宜

交河南皮東光吳橋景州五州縣運河事宜

山東下河事宜

山東上河事宜

張秋河事宜

南旺河事宜

迦河事宜

直隸通州香河武清三州縣運河圖說

通州香河武清三州縣運河其北自白河與富河在通州城北石堤處合流四十里許至張家灣而通惠桑乾諸河入焉南流至天津出海所謂潞河也亦稱白河自通州石堤起至天津衛交界止計程三百四十二里設有楊村通判一員管理河務

通州河道北自本州石堤起南至香和縣交界止計程一百一十五里

運河堤岸自龍潭口起至白浮園下老堤頭止計長八

百二十七丈康熙三十三年脩築

香河縣河道北自通州交界板魯口起南至武清縣交界紅廟村止計程三十一里

運河堤岸官脩長四百一十六丈民脩長三百十九丈武清縣河道北自香河縣交界紅廟村起南至天津衛交界望海寺止計程一百九十六里

運河東岸堤工二十號

第一號東要兒渡口堤長一千九百一十丈康熙三十四年六月內被水衝決脩築三十七年又脩迎水堤五

百一丈二尺三十九年六月內又衝坍四十年二月內
脩築 第二號八百戶口堤長九百六十五丈係舊堤
第三號十百戶口堤長九百七十丈係舊堤 第四號
東黑龍口堤長六百四十八丈係舊堤 第五號四百
戶口即小王家甫堤長七百丈康熙三十五年衝決係
築 第六號三里淺口堤長一千四百一十四丈康熙
三十二年六月內衝決三百五十五丈三十三年二月
內脩築 第七號北蔡村口堤長八百六十七丈康熙
三十四年六月內漫開十二丈五尺三十五年四月內

脩築 第八號桃源口堤長九百六十丈係舊堤康熙
三十九年五月內漫開奉

上諭此堤離河遠不必脩築 第九號筐兒港堤長一千一百
七十八丈七尺康熙三十六年三十八年頻被水衝決
三十九年二月內奉

旨另開新河築堤兩道第十號徐官村口堤長一千八百丈康
熙三十五年八月內衝決三十九丈五尺三十六年脩
築 第十一號東賓家口堤長六百一十丈康熙三十
九年五月內漫開四十年四月內脩築 第十二號承

安口即閻王廟口堤長七百六十丈康熙三十二年六月內衝決四十五丈三十三年二月內脩築 第十三
韓朱龍口堤長二百六十五丈康熙三十五年八月內
湧開六丈本年九月內脩築 第十四韓閻家溝口堤
長一千八百九十丈康熙三十九年五月內衝決本年
九月內脩築 第十五韓孫明口堤長一千八百丈康熙
三十九年五月內湧開本年九月內脩築 第十六
韓白馬溝口堤長一千四百四十丈係舊堤 第十七
韓閻洪口堤長九百丈係舊堤第十八韓張官屯口堤

長六百三十丈康熙三十五年八月內湧開九十二丈
三十六年七月內脩築 第十九驛小新流河口堤長
九百丈康熙三十五年八月內湧開五十一丈五尺三
十六年十月內脩築 第二十驛信艾口堤長七百二
十丈康熙三十五年六月內漫開七十五丈修築

西岸堤工二十四驛

第一驛沙河李家口堤長七百七十六丈康熙三十四年
六月內漫開一百四十八丈三十五年脩築 第二驛
閻家口堤長三百一十丈係舊堤 第三驛車營口堤

長五百四十四丈係舊堤 第四號劉吉口堤長一百
四十一丈係舊堤 第五號棉花市口堤長七十三丈
係舊堤 第六號鐵牛口堤長十八丈係舊堤 第七
號西要兒渡口堤長四百三十二丈係舊堤 第八號
白廟口堤長八百五十二丈係舊堤 第九號西黑龍
口堤長八百一十丈康熙三十五年八月內湯開八丈
五尺三十六年九月脩築 第十號黃鬚口即傅官屯
堤長一千一百五十丈康熙三十二年六月內衝決八
十三丈三十三年二月內脩築 第十一號西王家甫

口堤長一千六百一丈康熙三十五年八月內湧開八
丈五尺三十六年六月內脩築 第十二節灰溝口堤
長一千一百二丈五尺係舊堤 第十三節蘇卡官屯
口堤長一千二百一十五丈康熙三十五年八月內漫
開二十八丈三十六年七月內脩築 第十四節白駒
廠口堤長一千八百丈康熙三十九年五月漫開四十
年

特發部委官脩築 第十五節鄭陳官口堤長九百三十丈

第十六節梓宮溝口堤長一千二十一丈 第十七節

王才口堤長一千三十丈 第十八鄉西窰家口堤長
八百一十丈 第十九鄉馬家口堤長一千九百八十
丈 第二十號劉藻口堤長一千六百二十丈 第二
十一鄉蔡家口堤長二百二十丈 第二十二鄉槐花
口堤長三千二百四十丈 第二十三鄉毛家口堤長
三百六十丈 第二十四鄉李家口堤長七百二十丈
俱係舊堤

白河

源出密雲縣霧靈山南流過順義縣入通州境至北關

外石渠霞與富河會流是謂潞河也 按志霧靈山在

密雲縣東北一百里今在遼城外通州志云河岸皆白沙不生青草故曰白河

富河

富河源出順天府西甕山口由順義縣界至通州北關外與白河會 按富河昔稱榆河志云榆河源發昌平州月免潭下流為沙河經順義縣與白河合

通惠河

舊名大通河源出昌平白浮村神山泉西南會一卦馬

眼諸泉逶出奭山為西河又名七里溝東入

都城西水門貫積水潭又稍東入

內府環繞

宮殿南出玉河橋水門合南北城河徑大通橋至通州分
流一自舊城西水門流入城內至東水門出一自新城
西門外繞新日城南而折而東北乃合流至張家灣城
東門外入潞河自大通橋至通州設閘曰慶豐閘平津
上閘平津下閘普濟閘

潘季馴曰楊村以北通惠之勢峻若建瓴白河之流於

沙易阻夏秋水漲則懼其潦冬春水微則病其涇浮沙之地既難建閘以修節宣惟有濬築之工殊為喫緊

牛家務河

一名絳河源出牛欄山徑西趙村過絳橋至王家探渡入澗河

南新河

其上源曰涼水河自大興縣流至張家灣城南入渾河

源出大同府桑乾山下徑太行山入宛平縣境出蘆溝

橋下東南至看丹口分二支一流至通州高麗庄入海
河一南經固安縣至武清縣小直沽與衛河合流入海
直沽

在武清縣東南衛河白河丁字沽合流於此又東南四
十里為海口通典謂之三會海口原於此置海津鎮武
清縣志云大河以北之水多從直沽入海此即大禹治
水九河入海之震地勢卑下遇霖潦直與海平昔人嘗
欲因其填淤置稻田以足賦今府境諸水類以直沽為
壑

附餘

通州恭屬漁陽郡漢置潞縣後魏置潞郡隋廢入涿郡
唐置元州尋復為潞縣五代遼皆因之金為通州取漕
運通濟之義後因之屬順天府

香河縣唐之武清縣也遼於新倉置榷鹽院因居民聚
集遂置香河縣明屬順天府今因之

武清縣漢為雍奴縣隸漁陽郡晉屬燕國隋屬涿郡唐
為武清縣明屬通州今因之

天津運河圖說

天津運河其水南自山東臨清州衛水與汶水合流而北至天津會潞河入海故亦名衛河北自武清縣交界三岔河起南至東岸南皮縣交界西岨交河縣交界白洋橋止歷天津衛靜海霸州青縣滄州所轄共計程三百四十五里八分屬天津同知管轄

天津衛所轄河道堤岨二十九處錯落於靜海青縣滄州之間

天津天衛東岨十處

潞漲淺

新庄淺

王官淺

馬家淺

東漫撒淺

西漫撒淺

曹魚口淺

王家淺

界宿淺

蔡家淺

天津左衛東岸八家

張家口淺

大埽浮淺

高家馬頭淺

安都寨淺

索家馬頭淺

北橫堤淺

南橫堤淺

南捷地淺

天津右衛東岸五家

北陽口淺

南陽口淺

白洋橋淺

蕭家樓淺

馮家口淺

天津天衛西岸係霸州靜海地方

天津左衛西岸六家

石塘口淺

蓮花池淺

許家口淺

官庄口淺

北捷地淺

流佛寺淺

天津右衛西岸係交河縣地方

靜海縣所轄河道北自小園起南至趙家窪止計程一百四十四里

霸州所轄河道堤岸六處共計程二里八分錯落於靜海縣境內

盧家口

程家口

程家口

蘓家口

馮家口

北蘓家口

青縣所轄河道堤岸

主簿徑管河東

八里塘淺計長十四里

李家淺計長五里

柳巷淺計長五里

安家淺計長十里

流洪淺計長十里

巡檢徑管河東

王家淺計長六里

安堵寨淺計長六里

主簿徑管河西

新庄淺計長三十里

流河淺計長二十里

留小淺計長二十五里

巡檢徑管河西

李家淺計長二十七里

運坊淺計長四十里

磚河淺計長一十五里

滄州所轄河道堤岸

朱家墳淺

華嚴卷淺

紅旗口淺

回回灣淺

冠家園淺

王家園淺

磚河淺

潯汶河

發源山西繁峙縣東流經獻縣城南十一里單家橋至

青縣南岔河。入運河

盤古溝

在青縣南十五里深三丈雖大旱水亦不竭東流入於
衡水濟運

附餘

天津衛秦為上谷漁陽二郡地漢初屬燕國分置涿郡魏
屬燕國唐屬幽州提管府宋屬燕山府元初屬燕京路大
興府後改屬大都路明洪武初屬北平府永樂中始立衛
名曰天津屬河間府今因之

靜海縣宋大觀中以清州海口寨為靜海縣明洪武初更
名靜海屬河間府今因之

霸州秦上谷郡地漢屬渤海郡後漢屬廣陽郡隋屬涿郡
唐為永清縣即益津關也五代周置霸州宋治文安縣元
仍為霸州明屬順天府今日之

青縣春秋時為清國唐為幽州蓋臺軍地宋太平興國七
年置乾寧軍乾寧縣大觀初改軍曰清州明為青縣屬河
間府今日之

滄州漢為渤海郡地後魏為滄州浮陽郡隋為渤海郡唐
復為滄州元屬河間路明屬河間府今日之

交河南皮東光吳橋景州五州縣運河圖說

交河南皮東光吳橋景州五州縣河道北自天津衛交界
白洋橋起南至山東德州衛交界王一光墳止計程共一
百八十四里設有河間府管河通判管理脩防

交河縣河道西岸北自天津衛交界白洋橋起南至東光
縣交界楊家園止計長八十二里

南皮縣河道東岸北自天津衛交界蕭家樓起南至東光
縣交界十二里口止計長八十六里

東光縣河道西岸北自交河縣交界楊家園起東岸北自

南皮縣交界十二里。起南至吳橋縣交界止計程六十里。

吳橋縣河道北自東光縣交界起西岫南至景州交界清水津止東岸南至山東德州衛交界五一光墳止計程四十二里。

東西兩岸共六淺

東岸連窩淺

小馬營淺

鐵河圈淺

西岫王家淺

邵家園淺

朱官屯

南四淺錯落於山東德州衛六十餘里河道之間
降氏屯淺坐落山東德州衛第四屯南東岸半邊
羅家口淺坐落山東德州衛第六屯東岸半邊

高家園淺坐落山東德州衛老君堂北西岸半邊
白草窪淺坐落山東德州衛白草窪西岸半邊

景州河道西岸北自吳橋縣交界清水灣石碣起南至山
東德州衛交界石碑止計程二十四里

附餘

交河金大定七年以獻州石家園置交河縣屬獻州明屬河間府今日之

南皮秦置縣屬鉅鹿郡漢屬渤海郡東漢為渤海郡治魏屬河間國晉仍屬渤海郡唐初屬滄州後改屬景州宋屬滄州金屬河間府滄州後曰之

東光漢屬渤海郡又為侯井為弓高屬河間國晉屬渤海郡隋屬平原郡唐初屬觀後屬景州金為觀州治元屬景州明初省入阜城縣後復置屬河間府景州今日之

吳橋隋將陵縣地屬平原郡唐屬德州五代周置保順軍屬滄州金始置吳橋縣屬河間府景州後因之

景州春秋時為晉地名條漢為脩為廣川為觀津俱屬信都因東漢以脩屬渤海郡廣川屬清河國觀津屬安平國唐貞元三年置景州後廢復置宋為永靜軍金復為景州後改觀州元復為景州明屬河間府今因之

下河圖說

下河舊係糧河通判管轄於康熙三十二年添設下河通判一員北自直隸河間府吳橋縣交界德州衛降氏口鋪起南至臨清州久遠店北半壁店止計程共三百二十七里三百零一步六尺五寸屬東昌府下河通判管轄

臨河六州縣二衛

德州左衛河道夾在德州衛河道內計長一里零二十步德州衛河道北自直隸吳橋縣交界降氏口鋪起南至德州界下八里塘止計長八十九里二百八十四步五尺

德州河道北自德州衛界下八里塘起南至恩縣界曹家口鋪止計長一十五里零四步

恩縣河道北自德州界曹家口鋪起南至故城縣界孟家溝止計長一十二里三百零二步一尺五寸東岸有進水閘一座久廢

故城縣河道北自恩縣界孟家溝起南至武城縣界冷家坎止計長一十六里

武城縣河道北自故城縣界冷家坎起南至夏津縣界橫河口止計長一百四十六里西岸有進水閘一座久廢

夏津縣河道北自武城縣界橫河口起南至清河縣界孫家口止計長二十七里

清河縣河道北自夏津縣界孫家口起南至臨清州界鹽店北半驛店止計長二十里

附餘

德州周齊地也漢為平原郡至隋始置德州屬平原郡唐以後皆因之明屬濟南府領德平、平原二縣今因之州治在運河東畔傍

恩縣春秋為齊里丘漢置清河郡唐改貝州宋慶曆中

王則作亂討平之宥其餘黨改為恩州金屬大明府元屬東平路明降為縣屬高唐州今因之縣治在運河東岸五十一里

故城古蔭縣膏池地也隋為歷亭縣屬清河郡唐貞元五年置今縣屬甘陵郡宋屬貝州金元廢為鎮後復置縣明隸景州今日之縣治在運河西岸二里

武城戰國時為平原君封邑

世謂言子游所罕安者誤

漢為東武

城屬清河郡唐屬貝州宋屬恩州元屬高唐州後因之縣治在運河東岸一里

夏津春秋為齊晉會盟之要津漢為鄒縣至隋始置夏津屬貝州唐屬清河郡宋金屬大名府元屬高唐州後明之縣治在運河東岸四十里

清河齊貝丘地漢為甘陵晉始置清河縣歷代因之宋屬恩州元屬大名府明洪武六年改屬廣平府今曰之縣治在運河西岸三十里

渡口在臨清州北七十里其地為臨清清河夏津之交有驛

縣堤在故城縣西南三十里延袤千里自順德廣宗界

來相傳絲治水時所築

陳公堤在德州東南五里歷恩縣抵東昌東北抵海宋
時河決濬縣陳克佐守滑州築此以障水患百姓賴之
名曰陳公堤

上河圖說

上河北自直隸廣平府清河縣界臨清州鹽店起南至充
州府陽穀縣界官窪口止計程共一百七十七里設開九
座屬東昌府上河通判管轄

臨河五州縣二衛

臨清州河道北自直隸清河縣界鹽店起南至清平縣界
二十里舖止計程四十里內立二開碑開一板開一又西
南衛河自板開下起至館陶縣界尖塚舖止計長六十里
其汶河水到板開外與衛水合流

按開河地亢衛河地窪臨清板開口正開衛兩水交會
震每歲三四月間雨少泉涸開河既淺衛水又消高下
陡峻勢若建瓴每一啓板放船無幾水即耗盡漕船多
阻滯季馴謂宜於開口百丈之外用椿葦設築土堤中
留金門安置活板如開劑然將啓板開先開活開則外
有所障水勢稍緩運艘出口易於打板衛水大發即從
拆卸此亦權宜之要術也

清平縣河道北自臨清州界二十里鋪起南至博平縣界
魏家灣迄南田家口止計長三十九里內有戴家灣開一

座

德州衛牧并左衛南河河道計長六里二百六十一步零
在清平縣河道境內

博平縣河道北自清平縣界魏家溝迤南田家口起南至
新城縣界呂家溝鋪止計長三十五里係東岸一邊與堂
邑縣對峙其河道截分一十七里半東岸有減水閘五座
如遇河水漲發則開此減水東流入海

堂邑縣河道北自清平縣界函谷洞起南至聊城縣界棧
堤止計長三十五里係西岸一邊與博平縣對峙其河道

截分一十七里半內建二閘曰土橋曰渠家鄉西岫有進水閘三座如遇伏秋霖潦坡水積聚則開此引水入河以利漕運

東昌衛牧并平山衛河道在東昌府東南隅地名南龍潭北自本營界碑起南至鄆家樓界碑止西岫一邊長三里聊城縣河道北自堂邑縣界西岸校堤埽平縣界東岸呂家灣鋪起南至兗州府陽穀縣界官窪口鋪止計長六十三里閘座四曰永通曰通濟橋曰李海務曰周家店西岸有進水閘二座如遇伏秋霖潦坡水積聚則開此引水入

河以利漕民田不致淹沒東岸有出水關四座如遇河水漲發則開此洩水東流入海堤岸不致衝決本縣河道內有平山衛河道一段僅長三里係西岸一邊

附餘

東昌府古漯河故道也其跡曰光嶽樓曰魯連臺春秋齊西鄙也秦置東郡漢以後分為魏郡為濟陰為清河唐為博州博平郡元改為東昌路明初改為府領三州十五縣今因之郡治在運河西岸二里

聊城東昌附郭邑也春秋齊聊攝之地至秦始皇始置聊城

縣應代目之但所隸不同元屬東昌路明改諸為府而
縣屬焉

漯水在城東七里俗呼渴河黃河之支流也按水徑云
源自頓丘出東武陽縣徑博平至州境又東北流入海
魏天子傳天子自五鹿東征釣於漯水即其地也

光祿樓在府城中央敝始莫考臺高廣數丈為樓四層
盤互玲瓏矗立雲表雄勝甲於齊魯明萬曆間知府莫
與齊重修

臨清我國趙東都也漢為清源縣屬魏郡晉後趙改置

臨清後析為清泉沙丘永濟宋屬大明府元屬濮州明屬東昌府和治初始陞為州領鉅陶丘二縣州治在汶河之北衛河之東二水至此合而北流

清平齊貝丘地左傳襄公田於貝丘即此漢置貝丘縣隋改今名為清河郡宋金屬大名府元屬德州明改屬東昌府縣治在運河東岸二十里

博平周時為齊博陵邑漢置今縣後析置靈縣唐析置靈泉縣尋廢元屬東昌明因之縣治在運河東岸四十里

堂邑漢發干樂平二縣地也隋開皇初始改今名石晉
改為清河尋復舊元屬東昌明因之縣治在運河西南
三十里

館陶春秋晉劉氏邑後屬趙西北有陶丘焉置館其側
因名館陶隋為毛州唐改永清尋復置館陶縣宋屬大
名府元屬濮州明改屬臨清縣治在衛河東岸二里

張秋河圖說

張秋河北自陽穀縣官窑口接東昌府聊城縣河道南界
起南至東平州新冢口上接汶上縣河道北界止計程共
一百五十五里設石閘九座屬兗州府捕河通判管轄
臨河四州縣一所

陽穀縣河道北自官窑口鋪接東昌府聊城縣南界起南
至五里鋪接東阿縣北界止計長六十里內石閘六座曰
七級下閘曰七級上閘曰阿城下閘曰阿城上閘曰荊門
下閘曰荊門上閘

東阿縣河道北自五里鋪接陽穀縣南界起南至沙灣鋪
接壽張縣北界止計長一十五里其堤岸北自陽穀縣河
道荆門關上紅廟起南至沙灣鋪止計長二十里而安平
鎮居其中安平鎮舊名張秋係陽穀壽張東阿三縣地方
為漕運咽喉

壽張縣河道北自沙灣鋪接東阿縣南界起南至東平州
界戴家廟關下三空橋止計長二十里內沙灣運河西岸
有積水關一座舊黃河口自前成化七年建每水伏秋郭
濮等處倒坡之水接流至此濟運

東平州河道北自戴家廟開下三空橋接壽張縣南界起南至安山開接東平所河道止計長三十里內石開二座曰戴家廟開曰安山開又北自安山開起南至靳家口汶工縣北界止內除東平所河道一十二里實管河道四八里內石開一座曰靳家口開共計東平州所管河道四十八里

戴村埧距東平州六十里一名周李村長五里十三步汶水從陶泰而來就鹽河由博興車瀆入海永樂九年宋禮用老人白英計分水南旺築此埧橫遏汶水南流

會通河始得濟運誠全河之屏障也其渠屢脩屢圯營
費不貲天順五年知州潘洪增築高厚上植以柳至今
不壞先年設夫墾土植柳培護周密張純守渠論曰漕
河之有戴村譬人身之咽喉也咽喉病則元氣淺走四
肢莫得而運矣昔在創建之初歲增土以培之植柳以
護之多設夫以守之其防禦蓋甚密也後土日墾柳日
固則夫議停役矣所以寬民力也然物久則壞防弛則
廢即今年薄日甚而原植護柳什無一二存矣况荒地
土疎汶性湍急萬一水失其性得無慮與然則為之奈

何乘泉夫之餘力歲加脩築增鋪舍植新柳令現役之
夫力加守護則盤錯根深堤將自固將無所事節乎曰
不可也彼其洶湃浩蕩之勢非有以順之則拂非有以
蓄之則溢拂與溢等害耳故每遇水潦頃決坎河口以
殺之殺之不足則開滾水堤又不足則開減水諸閘或
順之入海以披其勢或蓄之入河以納其流微則盡塞
令餘波悉歸於漕是節之固所以守之此營衛吐納之
說也不然三汶爭趨源大流長夏秋水潦怒激奔逸豈
一堤所能支哉誠萬論也今宜如舊例督夫培工栽柳

乃運河第一閘鍵

坎河。閘在戴部東宋禮阮集堤於戴村遏汶水之入海者注之南旺水無旁洩留坎河。不堤以備分洩入海每歲重運遇時止用刮沙板作一沙堤於坎河口即涓涓盡趨南旺若水漲則連沙衝出坎河後河身漸積近坎河口全河之水直灌坎口故土堤歲築歲決萬曆初侍郎萬恭壘石為灘而每歲築堤勞費不貲且全流漫衍而入鹽河南旺每至滕舟萬曆十七年捻河潘季馴築石堤四十丈高三尺上博丈五尺下益六之一兩

冀之長視埧減五之二其高倍之左右為土埧二百三十丈東岫為石埧厚一丈其法用大石許大石夾砌如壩實細石其中塗以壘指上銳下豐狀如魚背謂若水高於埧沿而西出漕可無溢也水旱於埧順流而南漕可無涸也二十一年水大發尚書舒應龍又於河口之下開渠洩水自於兩傍各築石堰以防衝刷之患

東平所河道北自安山開接東平州河道南界起南至東平州河道北界碑止計長一十二里在東平州河道之內

附錄

陽穀春秋齊地僖公三年會於陽穀卽此秦漢爲須昌縣至隋徙置今名唐屬鄆州元改鄆爲東平後司之縣治在運河西四十里

東阿春秋爲齊邑莊公十三年盟於柯卽此歷漢至唐俱屬濟北後改屬鄆州元改鄆爲東平後司之洪武初以水患徙治穀城卽今邑治在運河東六十里

壽張春秋良邑戰國爲剛壽漢置壽良縣光武避叔父諱改今名元屬東平路因之縣治在運河西三十里

東平春秋四附庸國漢置東平國唐爲鄆州宋元爲東

平府明陞為州屬濟寧後改屬兗州治在運河東北十
二里安平鎮舊名張秋春秋為衛地秦漢以來為東阿
壽張陽穀三縣之地或屬濟北或屬東平周世宗時遣
宰相李穀治堤自陽穀抵張秋口鎮名昉此宋改為景
德鎮明弘治七年塞決河功成賜鎮名安平抱河為城
北河都水郎中治之其地仍為東阿壽張陽穀三邑邊
界云

廣濟渠在張秋城南運河西畔明景泰四年徐有貞治
沙溝河決時先為疏水之渠起張秋金堤通壽張之沙

河西南至於竹口又西南至大渚潭乃踰范鹽泊而上
又西北接河沁之水命曰廣濟渠渠口為通源開有石
堤二道自大感應廟起至沙灣長一百六十丈運堤自
沙灣起至荊門驛長一千九百三丈有五空橋在張秋
城南與沙灣相對即為減水石堤廣袤各十五丈又於
上甃石為五竇以漕渠餘水入之小鹽河順治七年黃
河決荊隆衝張秋南北堤圯俱潰惟此石堤巍然獨存
復行脩整以便緝稅實為利漕淺八曰掛劍曰新添曰
沙灣曰北灣曰安家口曰仲渡口曰南浮橋曰北浮橋

東岸戴家開東有三空橋大河神祠北有五空橋俱淺
水入鹽河西岸南自老黃河口次即沙灣又次坎河斜
對東岸之五空橋而西岸沙河由夾河出減水堤乃在
五空橋之北至荊門上開東岸稍遠又有黑龍潭亦淺
水入鹽河此處逼汶西北與故道清河東北之雲呼吸
閉通旱不令運河枯涸澄不致運河淤溢節宣寢宜慎
云

沙灣在張秋南十二里黃河舊決口也明弘治間塞黃
陵岡口有裏河一道由鄆城來往壽張黑虎廟至此入

漕

安山湖在東平州西北運河堤西周圍一百餘里永樂間宋禮陳瑄往營漕河既成建議設水櫃以濟漕渠在汶上為南旺在東平為安山在濟寧為馬場在沛縣為昭陽名曰四水櫃漕河水漲則減水入湖水涸則放水入漕各建閘堤以時啓閉凡盜決侵種者有禁萬曆六年清丈安山湖原廣百里其高而宜田者已七十七頃有奇其卑而宜植者止四百一十六頃有奇當時建議欲於高下相承之處築束湖小堤畫分二區堤以內植

水濟運堤以外聽佃稅糧萬曆十七年築土堤長四千三百二十丈又於似蛇溝八里灣增建二閘以為蓄洩永利自通河口起過焦天祿以西吳家口止共十七里係幫湖運堤自吳家口運堤起至王禹庄又至青姑堆環轉復至通河口共十九里皆內湖堤其間不無缺口自吳家口至青姑堆中有橫截東西子堤一千八百一十五丈亦多缺口又運堤四閘之內各有隨堤小河自南而北共約二十餘丈引流順下以出濟運皆宜脩治然樞論諸湖惟蜀山馬跡在漕所之東可稱水櫃南

旺西湖及安山湖在漕嶺之西但稱水壑不可稱水櫃
且自順治年間河決荆隆泛張秋安山湖淤成平陸前
河臣憲崇俊會議抵復湖心計費帑金二十餘萬無可
設法因而中止今漕塞已二十餘年輓輸如故則此湖
之興廢無閔漕河之利病明矣康熙十八年聽民開墾
佃種共開湖地九百二十五頃三十八畝九分三厘七
毫起科銀兩載入全書本州起解鄧州廳河庫永以爲
例是向之所謂安山湖者今一望皆禾黍之場矣

新口湖至安山湖三十里安山湖至戴家廟湖三十里

戴家廟開至荆門上開四十五里開路頗遠向藉安山
湖水為之節宣今安山湖久為平陸倘遇亢旱之歲開
遠路長水力不厚慮有膠淺應於三開通中之地增建
一二開以節水勢路近則水力自厚可無阻滯之虞矣

南旺南河圖說

南旺南河北自汶上縣東冢口開迤北東平州交界起南至魚臺縣平庄橋王家口止計程共二百七十五里一百八十步設閘十八座屬兗州府運河同知管轄

臨河五州縣一衛

汶上縣河道北自新冢口東平州南界起南至孫村嘉祥縣北界止計長五十六里一百八十步內有袁口閘一座嘉祥縣河道北自汶上縣孫村交界起南至鉅野縣小長溝迤北交界止計長十六里

鉅野縣河道北自嘉祥縣大長溝迤南交界起南至濟寧
衛曹井橋迤北交界止計長二十五里內有通濟閘一座
按會通一河其源最微源微而久分其流益弱故填以
障其出流駛而不積則涸故開閘以須其盈盈而啓之
以次而通漕乃可通漚溢而不洩必潰於是水櫃壅水
溢而減河以入湖涸而放湖以入河於是水櫃壅水
為埭謂之堰沙澚之害謂之淺淺有鋪鋪有夫治之之
法無他惟盡復原設額夫嚴飭河官稽察隱佑察核冒
破務令渠道及時挽浚隄岸及時脩築則永無艱澁衝

齒之患矣至南北隄岬千有餘里亦宜仿黃隄植柳之
法栽柳株上可以蔽挽夫矣日之歲下可以固貼流
衝激之岸所當次第舉行者也

濟寧衛河道北自曹井橋迄北鉅野縣交界起南至五里
營迄東濟寧州交界止計長一十七里八分置減水閘安
居斗門閘

濟寧州河道北自五里營之東濟寧衛交界止南至魚臺
縣四里溝交界止計長七十五里閘九座曰天井曰在城
曰趙村曰石佛曰新店曰新開曰仲家淺曰師家庄曰春

林又月河開三曰上新中新下新

魚臺縣河道北自濟寧州四里溝交界起南至江南沛縣界阜庄橋王家口止計長八十五里開三座曰南陽曰利建曰邢庄

蜀山湖周六十五里一山獨峙湖心俗傳蜀者獨也故名其幫湖運堤屬嘉祥者自馮家堤至孫村二千三百四十四丈屬汶上者自孫村至分水口南一千五百丈其湖堤自馮家堤起至蘓魯橋止共長三千五百十丈以蓄水濟運應歲收蓄汶月原有南月河口林家村口

田家樓口及胡家樓口而無子堤每水大則出長溝滾水填入馬場湖而石堤自明季來久廢現從莊魯橋陳蔡口注之又本堤以北別有歲集草堤一道兩頭洩渴接駟湖堤其東北受水之震植柳以集侵佃

南旺湖在汶上縣西南周漕渠兩壘共一百八十里中為二丈堤漕渠貫其中畫而為三漕渠西者為西湖即名南旺在汶河堤南漕渠東者為東湖在汶河堤南名蜀山在汶河堤北名馬蹠南旺崇廼九十三里成化間始為石堤多菱芡蒲荷芡荻魚蟹居人採擷為利嘉靖

間周築四圍堤岬一萬五千六百餘丈萬曆間除幫湖
運堤三千六百丈外幫築湖堤南西北三面共一萬二
千餘丈復添築東面子堤一千一百八十八丈又於五
里鋪建石堤一座長五丈以便蓄洩濟運原湖二千七
百頃向除子堤盡界膏腴地及宋尚書白老人香火
地二百八十頃外其二千四百餘頃為水樞隨堤內開
有大渠以湖身北高南下復穿小渠二十餘道縱橫聯
絡使湖水通流脩濟萬曆十七年張居敬奏請南旺等
湖各查頃畝於高下相承之地築一束湖小堤堤內為

水櫃堤外為湖田聽民耕種庶限界分明內外有辨小民難於侵占官司易於稽查詔從之是南旺諸湖有淤高之地可耕自昔已然其所以不令召種者慮其有碍於運也今西湖積沙日久高地雖多而低窪之壤仍以蓄洩濟運宜開濬深通復其舊界否則漸為平陸矣何家堤距汶上縣十三里係南旺湖之尾閘此口稍旱汶水就西而下每決房口而傷運河之地南旺之水遂涸萬曆二十四年築石壩平時任其南逝水漲洩而之西良得象也南旺分水地形最高所謂水脊也主事王

罷論蓄洩之大略曰南旺旱乾常在二三月方其旱也每有淺阻之患前此或濬泉源或放湖水或築土壩多方以蓄之愚以為不若一日一啓閘為上策每泛溢於六七八月當其溢也每有衝覆之患前此或開南旺湖或開減水閘或決金口壩多方以洩之愚以為不若不開閘開月河行船為上策余嘗當旱涸之時自分水送流而上至黑馬溝凡二十里或三百料或五百料或千料船皆能通行於西河而無阻則閘之為緊要可知又嘗窮歷汶源至萊蕪原山之陽不過三百餘里以三

百餘里之衆源而欲分流以供三千餘里之漕渠使非
築塞疏濬啓閉有方又安能行轉運哉則開座之爲緊
要又可知矣至於旱乾之甚則當行車水之法試以百
船論之每船漕卒十人至南旺監剥當費百也此法行
則每船止用一人給車二十輛什二守閘什八踏車以
輓湖水每車用四人二十車用八十人一車加水七寸
二十車則加一丈四尺逮五十里之湖水乾則天雨必
至矣此所以可行而無弊也水大之甚則開南旺以收
水開永通閘以行船不惟可弋殺滔天之勢且免濟寧

一帶開河之險矣而潘季馴則曰南旺地高決諸南則
南流決諸北則北流惟吾所用耳當春夏糧運盛行之
時正汶水微弱之際分流則不足合流則有餘宜效輪
番法如運艘淺於南則閉南旺北開令汶盡南流如運
艘淺於北則閉南旺南開令汶盡北流當其南也更發
濱南諸湖水佐之當其北也更發濱北諸湖水佐之泉
湖兼注南北合流即遇旱暵靡不克濟此誠力不勞而
功倍也

馬踏河周三十四里其上爲釣臺泊水漲則匯入北湖

出開河關迤北由弘仁橋入達其幫湖運琤自禹王廟起至弘仁橋止二千六百六十三丈其湖堤亦自禹王廟起至弘仁橋止三千三百餘丈係土築以蓄水濟運歷歲收蓄汝水原有北月河口王士義口徐建口亦無子堤蓋東湖地勢漸高無需防遏止於官民界分植柳監石以杜侵冒而南至長溝小河口蘓魯橋北至田家接受水之震亦堤而築之視西湖工倍焉為開者三在李泰口弘仁橋為堤者二在馮家口王岩口其戴村王堂二口皆蓄洩要害處也至於閉關全湖伸縮漕河則

有南北端二閘東西岸十七斗門以時啓閉實為水櫃
盜決侵種宜禁云

濟寧西湖曰馬場又名任湖在漕渠北岸周圍四十里
上受蜀山湖水北岸為減水閘三即五里營十里舖安
居鎮也東為堤一道長一千六百餘丈湖之西口為馮
家堤萬厯十七年建長十餘丈係蜀山之門戶地卑水
易洩故築石堤以障之水大則洩入馬場湖水小則蓄
以濟運有橋曰陂石跨於湖口

楊家堤在濟寧城東泗河之水貫兗府西流合洸水同

經此口南入運道原未嘗設壩正德間因劉寵之亂築壩引水而繞以爲濟城外護始有壩基然事平即開仍得通運自崇禎十七年復築此壩障水護城此特一時固圉之計耳每遇伏秋水漲不能洩瀉歸湖兩岫民田大受淹沒之害且洄洑之水爲此壩所遏由夏橋入馬場湖而後濟運其道反迂不若改壩爲閘時啟時閉急則借以濟運緩則儲以待用民田可無淹沒之虞矣

按魚臺沛滕嶧縣接境諸湖共十有四曰昭陽曰魯庄曰李家曰郝山曰微山曰呂孟曰張庄曰韓庄曰獨山

曰馬場坡曰常阜曰平山曰白山曰南谷摠以昭陽為
統領昭陽湖有大小二在新河下流自沁河通資微呂
諸湖以濟韓庄東之運道則又據上游所受獨山諸流
從老庄湖出李家口其東即老湖又東為李家湖其在
郝山之南者為郝山湖又南為微山湖又東南為呂孟
湖又東為張庄湖又東為韓庄湖名雖不同實無限隔
自東北南陽堤至西南徐境利國監涌湧幾二百里俱
隔在運河西岫運道自韓庄開至夏鎮計程七十里皆
逼臨諸湖僅隔土堤一道寬窄不齊最稱危險其韓庄

之北建有郁山減水閘韓在湖口開及蘇開石堤一道以障諸湖之水並資蓄洩濟運固歲固脩治而徵湖之西南切近黃河每有漫溢之患苟不堅禦濁流一入不獨滕嶧爲巨浸而運道必梗保運者所宜加意也若獨山馬場坡二湖皆自南陽橫截新河以入昭陽湖在新河上游竅爲漕利其餘小湖徒梗緯道與漕無益

附錄

嘉祥古武城子游絃歌地也漢以後皆爲鉅野境金置今縣屬濟州元屬單州明改屬濟寧今因之治在運河

西二十五里

獲麟渡在嘉祥縣境洧河傍地名大長溝上有坊云獲麟古渡

關亭在南旺湖中高阜六七春秋桓公十年會於關是也魯自隱桓以下皆葬此至今時見烟雲樓臺之狀關河在南旺北十五里其他每歲以十月下旬為市集百貨聚焉元至元間置一關

鉅野古大野澤春秋西狩獲麟其地也漢置鉅野縣唐置麟州宋元為濟州治明時改濟寧於任城以縣隸焉

治在蓮河西八十里

汾河圖說

汾河联接二省共長二百六十里在山東省者為濰縣
三縣地方計長一百六十里其一百里隸江南邳州境
屬江南其河道屬山東境論河道從珠梅關起至黃林
止計程一百九十六里而汾河則自夏鎮稍南李家港起
歷八關以達黃林設關十一座屬兗州府汾河通判管轄
臨河三縣

濰縣河道北自魚臺縣界王家口起南至滕縣界劉昌庄
止計長四十八里關座三曰珠梅曰楊庄曰夏鎮

按濰邑地處低窪河道四十八里係漕運要地其河道

與山東諸山接近一遇水發即志衝決所賴呂堤一道
時當水涸則蓄水以濟漕時當水溢則洩水以便民洩
蓄得宜庶可無患其如下流彭口自流沙衝塞每年回
空糧艘逆單例應抵濟則閉彭而開呂工竣則閉呂而
開彭此呂堤在冬則開在春則閉歲事脩築所費不貲
況開閉一年一次脩築未幾而秋水暴發堤仍衝決及
搶脩方畢又值開彭開呂之期民力如其其僕也又
每開一次水勢湍急其愈寬愈深今呂堤之口寬至三
四十丈深至二三丈不等田廬盡遭淹沒將來水患愈

大脩築愈難而所費亦愈多其將何所底止且也一年
之間時方水涸而欲蓄水或彭口之工未完則築堤有
待時方水溢而欲洩水或挽濬之工未起則開堤又不
能今呂堤之口日加深廣倘或山水非時陡發再有衝
決將有急不及治之虞運道民生所關非小今籌一勞
永逆之圖莫若建立石閘則蓄洩為便然呂堤之口難
以築閘其呂堤之下舊有滿閘一座廢棄已久若仍於
此處建築石閘遇彭口挑濬則開滿閘彭挽濬工完則
開彭閘滿凡遇水涸水溢隨時啓閉蓄洩可免非時衝

決之患可省歲、脩築之勞上有益於漕運下有利於民生計誠莫善於此但工費浩繁現在會勘所當斟酌施行者也

滕縣河道北自江南沛縣界劉昌庄起南至嶧縣界朱姬庄止計長五十里

嶧縣河道北自滕縣界朱姬庄起南至江南邳州黃林庄止計長九十八里開庄八曰韓庄曰德勝曰張庄曰萬年曰丁廟曰頓庄曰侯遷曰臺庄

按元改任城為濟州開會通河漢汶泗以會其源置開

以分其流南自濟寧至沽頭地降百十有六尺為開九
南入於河曰分水曰天井曰在城曰趙村曰石佛曰新
店曰師家庄曰東林曰南陽其北至奉符為開以接汶
水曰埧城東北至兗州為開以節泗水自北而南曰金
口出魯橋自東而西曰黑風口由府河以出會源開會
源即天井開也此未開會通以前所建西北自安民山
入於新河至臨清地降九十尺為開十六以達於漳河
曰戴家廟曰荆門上曰荆門下曰阿城上曰阿城下曰
七級上曰七級下曰周家店曰李海務曰通濟曰永通

曰梁家鄉曰土橋曰蕪家灣曰新開上曰南板北既開
會通以後所建皆在至元大德延祐之間至元中又於
金口開南建減水閘曰沂河引沂入泗又建一閘於充
州之西十里曰土婁建一閘於兗州之西三十里曰杏
林節泗沂之西流者受關黨諸泉謂之府河亦謂之濟
河西流至天井閘又於濟寧東北四十里建閘曰吳泰
曰宮邨以接汶水又於馬駢北建閘曰減水以殺洸水
大德間又於南陽之南建一閘曰孟陽泊以通江淮至
正間又於新店師庄二閘之間建一閘曰黃棟林新開

至順間又於孟陽泊南建一閘曰穀亭匯黃民父河等
泉以厚水勢合觀所建堤閘元人之於會通一河計已
周矣而南旺一帶止於至正間建開河一閘其他未及
講也明初用兵梁晉大將軍徐達於濟寧西二十里耐
牢坡口建一閘曰永通從牛頭河以達魚臺之塌場口
出穀亭運道迨永樂間宋禮浚會過河開袁家口至沙
灣之二十里用老人白英計移堙城堤於青川驛又築
堤於東平州之戴村橫遏汶水全流南出汶上之南旺
分水於是成化間於分水口南建一閘曰南旺上於分

水口北建一閘曰南旺下三年大挑以疏其淤塞又於
閘之左右各建減水閘一名曰斗門一通馬踏湖一通
蜀山湖平時則斗門盡閉中閘常開放水入運一遇洪
水則斗門盡啓中閘下板沙泥盡隨斗門入湖大挑始
為省力又於濟寧在城天井二閘南穿月河四里許蓋
以閘曰上新下新上下之間更建一閘曰中新於師庄
閘北增一閘曰仲家淺於師庄閘南增一閘曰魯橋魯
橋師庄之間復建一小閘曰堽里橫遏泗水入漕自濟
寧北至鉅野境築石堤十二里自鉅野北至嘉祥境亦

築石堤十里南旺西湖始砌石堤并建新家口安山沙
灣高口諸閘又脩沙灣以北元人所建十六閘又於廣
建渠口築石堤二道自大感應廟起至沙灣長一百六
十丈自沙灣起至荊門驛長一千九百三丈又於永通
閘南增建三閘曰永通下曰廣運曰廣運上又築濟寧
西遂子山堤濟寧趙村月河石堤又於孟陽泊閘南建
一閘曰八里灣脩天井以南諸閘又於寧陽縣西四里
洸河兩涯引柳泉之水橫過洸河東西立閘曰洸河東
西水漲則閉閘以防其淤水涇則啓閘以達其流又於

堽城石堰上流建一閘曰堽城新閘自永樂至嘉靖初
北至臨清南至穀亭或堤或閘或堰或堤歲有脩建會
通一河得以無阻而曹單黃河屢決南衝穀亭漕渠洪
塞嘉靖四十五年自南陽至留城開新河以避穀亭之
淤建閘八曰利建曰珠梅曰楊庄曰夏鎮曰滿家曰西
柳庄曰馬家橋曰留城接舊河自留城南至鎮口又建
閘五曰黃家曰梁境曰內華曰古洪曰鎮口又減水閘
二十開月河於閘之旁者六為土若石之堤十有二築
兩涯土堤五十三里石堤三十里又於內華開築伊家

林橫堤於戴家山築戴家山橫堤鑿反河八築夾堤六
千三百四十餘丈又築獨山湖北岸石堤三十餘里各
留口引水入運建減水閘十四座大者二各三洞小者
十二建南陽堤以障獨山之流開四回墓反河以引昭
陽之水又於濟寧之北建通濟閘建小河口減水閘六
築馮家滾水堤脩大長溝獲麟古渡又於戴村之東築
坎河口石堤以遏汶水入海之路使水大則湧而西出
漕不至溢水小則順流而南漕不至涸又開南旺上下
月河各建大閘六扼之日汶河及上下二閘各築土堤

於此通舟又建五里鋪滾水石堤以修運河水大洩入
西湖又脩南旺湖漕渠長堤築西湖缺口加築舊堤一
萬二千餘丈添築東面子堤一千二百餘丈築蜀山湖
東堤蓄水濟運築長溝減水二閘以脩蜀山湖水大洩
入馬場湖又築馬踏湖土堤三千二百餘丈自嘉靖末
至萬曆中北自臨清南至鎮口或堤或閘或堰或堤亦
歲有脩建新舊運河僅能通漕而地逼於黃每足為害
萬曆三十四年又自李家港口至黃林庄開泇河以避
鎮口之淤并避徐呂二洪之險建韓庄德勝張庄萬羊

丁廟額庄侯遷臺庄等八閘又建彭家口之三洞閘郝山之減水閘韓庄之湖口閘以備旱潦蓄洩濟運又築韓庄湖護閘石堤一道築朱垵庄至韓庄律道堤十八里以障郝山韓庄諸湖之水又築彭家口堤以遏許由三山龍灣諸泉之由彭口出者築拖泥溝堤以遏許池滄浪諸泉之由大泛口出者築滿堤以遏河水之由滿閘河洩者築呂堤以遏河水之由李家口河洩者自元至元迄明萬曆間加工成之日建築堤堰堤矣止數百而一舉一廢要必於漕運有關係而出之以見古人用

意之周云